

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

**Бать-мамтӖм да бать-мам дӧзьӧртӧг кольӧм челядьлы организацияын
кагаӧс недыр кад кезлӧ овмӧдӧм йылысь тӧрасян да тӧждысян
органлысь акт лӧсьӧдан пӧрадок вынсьӧдӧм йылысь**

Сы могысь, медым збыльмӧдны Бать-мамтӖм да бать-мам дӧзьӧртӧг кольӧм челядьлы организацияслӧн уджалӧм йылысь да сэтчӧ бать-мам дӧзьӧртӧг кольӧм челядьӧс сетӧм йылысь положениеса 7 пунктсӧ, кутшӧмӧс вынсьӧдӧма Россия Федерацияса Веськӧдлан котырлӧн 2014 во ода-кора тӧлысь 24 лунся 481 №-а шуӧмӧн, «Коми Республикаын тӧрасян да тӧждысян удж котыртан да збыльмӧдан ӧткымын юалӧм йылысь да Коми Республикаса торъя оланпастӧчас актяс вынтӧмӧн лыддӧм йылысь» Коми Республикаса Оланпаслысь 7 статья, Коми Республикаса Веськӧдлан котыр шуис:

1. Вынсьӧдны Бать-мамтӖм да бать-мам дӧзьӧртӧг кольӧм челядьлы организацияын кагаӧс недыр кад кезлӧ овмӧдӧм йылысь тӧрасян да тӧждысян органлысь акт лӧсьӧдан пӧрадок содтӧд серти.

2. Тшӧктыны Коми Республикаса велӧдан да наука министерстволы сетны гӧгӧрвоӧдӧмъяс, кутшӧмъяс йитчӧмаӧсь тайӧ шуӧмсӧ збыльмӧдӧмкӧд.

3. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти координируйтӧ Коми Республикаын торъя категория гражданаӧс социальнӧя доръян, налы социальнӧя отсалан, тӧрасян да тӧждысян, сы лыдын бать-мамтӖм да бать-мам дӧзьӧртӧг кольӧм челядьлы, бать-мамтӖм да бать-мам дӧзьӧртӧг кольӧм челядь лыдысь йӧзлы, а сӧдзжӧ йӧзлы, кодъяс велӧдчан периодӧ воштӧсны бать-мамсӧ либӧ дзик ӧти батьсӧ (мамсӧ), социальнӧя отсалан юкӧнын канму политика збыльмӧдан юалӧмъяс серти Коми Республикаса олӧмӧ пӧртысь власьт органъяслысь уджсӧ.

4. Тайӧ шуӧмыс вынсялӧ сӧйӧс официальнӧя публикуйтан лун бӧрын дас лун кольӧм мысти.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося косму тӧлысь 23 лун
179 №

ВЫНСЬӨДӨМА
Коми Республикаса Веськөдлан котырлөн
2024 во косму тöлысь 23 лунся 179 №-а шуомөн
(содтöд)

Бать-мамтöм да бать-мам дöзьöртöг кольöм челядьлы организацияын
кагаöс недыр кад кежлö овмöдöм йылысь
тöрасян да тöждысян органлысь акт лöсьöдан

ПÖРАДОК

1. Тайö Пöрадокыс ладмöдö бать-мамтöм да бать-мам дöзьöртöг кольöм челядьлы организацияын кагаöс (бать-мамтöм да бать-мам дöзьöртöг кольöм челядьöс) недыр кад кежлö овмöдöм йылысь тöрасян да тöждысян органлысь акт лöсьöдан юалöмъяссö, кодъяс збыльмöдöны ассыныс уджсö Коми Республика мутасын (водзö лöсялöмөн – кагаöс недыр кад кежлö овмöдöм йылысь акт, тыр арлыдтöм, бать-мамтöм челядьлы организация).

2. Сэк, кор урчитöма сэтшöмтор, мый бать-мамсянь тöждысьöмыс абу да «Тöрасьöм да тöждысьöм йылысь» Федеральнöй оланпаслөн 12 статьяөн урчитöм пöрадокын челядьлы (кагалы) оз позь дзик пыр индыны тöрасьысьöс либö тöждысьысьöс, тыр арлыдтöмъяслы сетöны позянлун овны бать-мамтöм челядьлы организацияын кагаöс недыр кад кежлö овмöдöм йылысь акт подув вылын найöс аддзан лунсянь да тöрасян да тöждысян органөн бать-мамтöм челядьлы организацияö кагаöс дöзьöр улö овмöдöм йылысь актсö примиттöдз периодö (водзö – недыр кад кежлö овмöдöм).

3. Тыр арлыдтöмъясöс бать-мамтöм челядьлы организациясö кагаöс недыр кад кежлö овмöдöм йылысь акт серти овмöдöны сэк, кор эм татшöм лоöмторъяс пиысь öти:

1) сэк, кор аддзöма тыр арлыдтöмöс, кодлөн бать-мамыс, дзик öти батыс (мамыс) либö бать-мамсьыс кыкнанныс кувсисны, кодъясöс оз тöдны, кодъясöс ёрдөн шуöма юöртöг вошöмаөн либö шуöма кувсьöмаөн, кодъясöс корсьöны (тайöс эскöдöны пытшкöс делöяс органъяслөн кагалысь мамсö (батысö) корсьöм йылысь справкаөн) либö дзик öти бать (мам) либö бать-мамсьыс кыкнан серти ёрдлөн приговорөн индöма вöля мырддьöмөн мыждöм, ёрдыслөн шуöмөн индöма стража улö босьтöмөн öлöдан мера, ёрдлөн шуöмөн индöма медицина организацияын мырдөн бурдöдчöм, көнi сетöны психиатрической отсöг стационар условиеясын;

2) сэк, кор дугöдöма тöрасьöмсö (тöждысьöмсö), сы лыдын дон босьтöмөн, дугöдöма пи (ныв) пыдди босьтöмсö;

3) сэк, кор кагалөн олöмлы либö сылөн дзоньвидзалунлы веськыд грöз дырйи сийöс мырддьöма Россия Федерацияса семейнöй кодекслөн 77 статья серти.

4. Тöрасян да тöждысян орган бöрийö бать-мамтöм челядьлы организациясö Коми Республикаса велöдан да наука министерствокöд

сёрнитчөмөн (водзö – Министерство) татшөм организациялысь кагаöс видзөм, быдтөм да велөдөм вылө колана условиеяс лөсьöдны позянлунсö тöд вылө босьтөмөн, кутшөмъяс лөсялöны сылөн дзоньвидзалунлы да коланлунъяслы, татшөм организацияөн збыльмөдан удж сикасьяс вылө мыджсьөмөн, а сідзжө сэтшөмтор тöд вылө босьтөмөн, эмось-ö сэнi прöст местаяс.

5. Тöрасян да тöждысян орган примитö кагаöс недыр кад кежлö овмөдөм йылысь актсö тыр арлыдтөмөс аддзан лунсянь 3 уджалан лун чөжөн тайö Пöрадоклөн 3 пунктын индөм лоөмторъяс артмөм дырйи.

6. Кагаöс недыр кад кежлö овмөдөм йылысь актсö оформитöны тöрасян да тöждысян органлөн тшöктан актөн, көнi индöны:

кагалысь овсö, нимсö, вичсö (эм кө), сылысь чужан восö, тöлысьсö, лунсö;

лоөмторъяс опишитөмсö, кутшөмъяс дырйи кагаöс колö овмөдны бать-мамтөм челядьлы недыр кад кежлö овмөдан организацияö;

бать-мамтөм челядьлы организациялысь нимсö да инпассö, кытчö кагаöс недыр кежлö овмөдöны;

бать-мамтөм челядьлы организацияын кагаöс недыр кад кежлö овмөдан кадколастсö.

Кагаöс недыр кад кежлö овмөдөм йылысь актлысь ылöса формасö вынсьöдöны Министерстволөн тшöктөдөн да йöзöдöны «Öтуввез» юöртан да телекоммуникация везйын Министерстволөн официальной сайтын сійöс вынсьöдан лунсянь 5 уджалан лун чөжөн.